

Naqqiut

Matumuuna akissuteqaat 17. november 2020-meersoq taarserneqarpoq
(Inatsisartut Sanaartornermut Ataatsimiititaliaata aappassaaneerinninnermi ilassutitut
isumaliutissiissutaa tungavigalugu)

Uunga siunnersuut: Illuliortiternernut aningaasalersuineq pillugu Inatsisartut inatsisaata allangortinneqarnissaa pillugu Inatsisartut inatsisaat nr. xx, xx. xxx 2020- meersoq

(Nutaanik inissialiornissamut taarsigassarsiarititat taamaallaat inunnt
taarsigassarsiaritinneqartassapput aammalu inuit inissiamut ataatsimut taamaallaat
taarsigassarsinnaallutik)
(Ineqarnermut Attaveqqaatigiinnermullu Naalakkersuisoq)

Akissuteqaat

(Ineqarnermut Attaveqqaatigiinnermullu Naalakkersuisoq)

Aappassaanneerreqarnera - nangeqqinneqarnera

Naalakkersuisut aappassaanneerinnissamut isumaliutissiissut 15. november 2020-mi tiguaat
aappassaanneerreqarnissaa pilersaarutaareersimagaluartoq 18. november, tassa inatsisartuni
oqaluuserineqarnissaa ullumik pingasunik sioqqullugu. Tassanilu allassimavoq
amerlanerussuteqartut, tassalu Siumut aamma Inuit Ataqtigiit siunnersuut maannatut
iluseqarluni akuerineqassasoq inassutigigaat, kiisalu ikinnerussuteqartut, tassalu Demokraatit
aamma Partii Naleraq, Naalakkersuisut ikinnerussuteqartut kaammattuinerat naapertorlugu
allannguutissatut siunnersuummik saqqummiussissappata, ikinnerussuteqartut
allannguutissatut siunnersuut akuerisassanngorlugu inassuteqassasut.

Aappassaanneerinerup nalinginnaangitsumik unitsinneqarnera, tamatumalu kingorna
allannguutissatut siunnersuummik saqqummiussinissaq naleqqunnerpaassasoq
Naalakkersuisunit naliliinerat, taamaalillunilu § 9b, imm. 2-p oqaasertaasa atuuttut
allangortinnagit, kisiannili ”qaammatinit arfinilinnit kingusinnerusumik” ”qaammatinik
aqqaneq marlunnik kingusinnerusumik”-mut allangortinneqassasoq tamatumunnga
tungavigineqarpoq.

Inatsisip allangortinneqarnissaa ataatsimiititaliami ilaasortanit tamarmiusunit taperseqarluni
isumaliutissiissut, 2020-mi novembarip 23-ani tunniunneqarpoq. Inuit Ataqtigiit
ikinnerussuteqarluni oqaaseqaateqarluni, novembarip 24-ani iluarsissut tiguneqarpoq.
Tassunga tungatillugu ima oqarusuppunga: Isumaliutissiissutit naapertorlugit
Naalakkersuisut sulipput, ataatsimiititaliaallu tusarnaartarpagut. Ataatsimiititaliat,
Inatsisartunilu atorfilittat suliaannut ataqqinnippugut, tatiginnillutalu.

Naalackersuisunit suli kissaatigineqarpoq, innuttaasut imminnut inissianik pilersorsinnaasut kissaateqartullu inissiamik, inissianut aningaasalersuinissamut taarsigassarsillutik sanasinnaanissamut pisisinnaanissamulluunniit periarfissinneqassasut.

Tassalu Naalackersuisut allannguinnessamut siunnersuutaat Inatsisartuni kajumittumik suliassanngorlugu tunniunneqarpoq